

INUIT ATAQATIGIIT INATSISARTUNI



UPA2024/157
Majip 21-at 2024
Harald Bianco

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 2/2023-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunanni Islandimilu naalackersuisunut kaammattuutigaa najukkani nunanilu avannarlerni killerni nerisat nikerartuunissaannut pyramidimik ataatsimoorussamik pilersitsinissamut, tassungalu ilanngullugu nalunaarusiami Nordic Nutrition Recommendations 2023-mi kaammattuutunik piviusunngortitsisinaanermut periarfissanik misissueqqullugit.

(Aallartitat siulittaasuat Doris J. Jensen)

Siullermik aallartitat siulittaasuannut Inatsisartuini Ilaasortaq Doris Jakobsen Jensen-imut Inatsisartuni ilaliinisaamut siunnersuutaanut Inui Ataqatigiinnit qujavugut. Taama-tullu Naalackersuisut akissuteqaataannut qujanaq.

Inuit Ataqatigiit pingaartitaraarput nunatsinni innuttaasut peqqissuunissaat aamma nerisassatigut. Nuannaarutissaavoq nunatsinni peqqinnartunik nerisaqarnissarput anguni-arlugu peqatigiillutik suliniaqatigiittoqarnera. Inuit Ataqatigiinnit neriuutigaa-put tamanna pitsaasumik sunniuteqarumaartoq atuakkatiguuppat ilitsitersuutitiguuppat, nittartakkakkulluunniit pilersaarinnikuuppat. Taamaattorli nunatsinni nerisassat peq-qinnarnerpaat, tassalu kalaallit nammineq nerisassaatitta pisiniarfinni akisunerujussuat iliuuseqarfigineqartariaqartutut isigaarput. Imami akisutigipput akissaatitsinnut naleq-quttumik nerisassarsiniassagutta, qallunaaminernik ilaatigut peqqinnarpallaanngitsunik akikinneruuvilluta pisiniartariaqartarluta.

Nuannaarutissaavoq peqqinnartunik nerisaqarnissap paasisitsiniutigineqartalerneraniit peqqinnartunik pisiniartarnerup qaffakkiartorsimanera oqaatigineqarmat.

Kalaalimernit eqqasaatigalugu aamma inooriaatsitsinnut ileqqutsinnullu annertuumik attuumassateqarmata, pingaaruteqaqqissaarpoq ilisimatusarnermi paasisat naqissuser-massuk, kalaallit ataatsimuullaqqinnitta ataatsimoornermilu mamartorsuarnik kalaali-minertuuttarnitta pingaaruteqassusia oqaatigineqarmat. Neriunnarpoq tamanna attat-tuarlugulu annertusiartortissinnaassagipput. Tamanna nerisatigut peqqinnarnerpaa-jummat.

Massakkut Naalackersuisoqarfimmi susassaartumi nammineq pilersornermut periusis-siortaartoq oqaatigineqarpoq. Ilaatigut siunertarineqarluni nunatsinni peqqinnartunik nerisaqarnitta pyramidiliorneqarnissaa. Tamanna aamma neriulersitsivoq, siunissami suli peqqinnarnerusunik nerisaqarnissatsinnik najoqqutassaqarnerulernissatinnut.

INUIT ATAQATIGIIT INATSIARTUNI



Ilumoorpoq peqqinnartunik nerisaqarnerup pingaarutaata ilagimmassuk, nappaatinut ingalassimatitsinnaaneq, pualavallaannginnissamut timikkut eqqarsartaatsikkullu peqqissuunerunermut. Taamaattumik peqqinnissamik siunertalimmik suliniartut kikkulluunniit peqataatinneqarnissaat pingaaruteqartoq Inuit Ataqatigiinnit isumaqarpugut.

Taamaattumik kaammattuummut ilaliisumik Naalakkersuisut maliteqartitsinissamik kajuminnerat nuannaarutigalugu, kaammattuut Inuit Ataqatigiinit taperserparput.

Qujanaq.